

مو جرحك لمثلث أو قلبك هالمطعون
يلجرحك خيماتك وايتامك هليبيجون
فرت لا وينه تروح في دهشه ما يدرون
جرحك دمعة سكه تجري جمرة بلعيون
يلجرحك زينب لو شافت حال الميمون
سرجه ملوي ويصهل مكسور وهز الكون
من حوله ايتامك مذهولة في بحر شجون
حيران بجرحك يا بو سكه قلبي شلون

جرحك مهو بالسهم او قلبك إلهي ناتم
و صدرك إلهي انهشم جرحك نزيف الخيم

يا خوية أدركني بخيامك شبت نار
صوت أيتامي مفزوعة تنادي يا كرار
يا عباس يا الاكبر يا جاسم يا أنصار
يلنايم عالشاطي قوم انهض يا مغوار
يحسين امري لله ووحي بين الأشرار
هذي الخيل مالت وانتة مرمي بالأوعار
يا نجمي ومن حولك خرت بالثرى أقمار
واظلم هالوادي يا عزي وغارت لنوار

أنظر لذاك المهر يمكن يوصل خبر
قلبه يهالمعتفر زينب يخوها بخطر

وقفت عالتلة الحورة تتادي بالأهات
ساعة تنظر للحومة وساعة لمسنات
خوية مدري حي ويسمع صوتي لو مات
لو مجروح نشيله ونوديه الخيمات
لكن جا النداردي يا بنت النبي هيهات
يا زينب عطشان الوالي قلبه جمرات
بالخيمة جمرة وبعينج يجري لفرات
وبسماعج أضلاعه تتكسر والونئات

جاهها النداء من النحر لزمي يخيه الصبر
رجعي يحوره الخدر لتشوفي فوق شمر

من أظلم وادي الطف ودارت ريح اخسوف
والسجاد ينادي ودمعه بحسره مذروف
رفعي طرف الخيمة عمه زينب باشوف
هذا راس الوالي فوق سنان ومخسوف
راح الحامي يا زينب بالقلب الملهوف
وخيامچ يا عمه دم ونيران وخوف
يا بنت الزهرة فروا في وادي لطفوف
والحورة من خيمه لا خيمه جمرة تطوف

ظلت تتادي بآلم عزنا تراهو انهدم
فروا يا آل النبي وسط الفضا من الخيم